



## **Aningaasaqarnermut Aatsitassanullu Naalakkersuisoq**

**Ulloq:** 30. marts 2016  
**J.nr.:** 01.31.06/16-00706

### **Aningaasaqarnermut Akileraartarnermullu Ataatsimiititaliap pingasunngornermi ulloq 23. marts 2016-imi aalajangiineranik Naalakkersuisunut ilisimatitsineq.**

**Great Greenland A/S-ip Nunatta Karsianit 20 mio. kr.-inik tiguisinnaatitaanermut pi-  
sinnaatinneqarneranut tunngatillugu ilanngaaseereerluni erniat pillugit konto pin-  
gaarnermut 20.10.11-mut 2016-imi ilassutitut aningaasaliissutissanut Inatsimmut  
oqaasertaliussap ilanngunneqarnissaa pillugu qinnuteqaat - suliaq nr. 01.31.06/15-  
00706.**

” Naalakkersuisut inassutigaa,

- Ilanngussaq 1 naapertorlugu ilanngaaseereerluni erniat pillugit konto pingaar-  
nermut 20.10.11-mut oqaasertaliussaq ilanngunneqassasoq.”

### **Aningaasaqarnermut Akileraartarnermullu Ataatsimiititaliap oqaaseqaatai apeqqu- taalu:**

Naalakkersuisut inassuteqaataata siulianut allassimasup inaarutaasumik isummerfiginissaata kinguartinneqarneranik aalajangerini Aningaasaqarnermut Akileraartarnermullu Ataatsi-  
miititaliap ull. 4. marts 2016-imi allakkakkut Naalakkersuisunut nalunaarutigaa. Ataatsi-  
miititaliaq allakkani Naalakkersuisunut arlalinnik apeqquteqarpoq. Taamaalillunilu suliaq  
naammattumik paasinarsisinneqarnissaata annertunerusumik qulakkeerneqarnissaa ataatsi-  
miititaliamit kissaatigineqarpoq.

Naalakkersut akissutaata itisilerneqarnissaa siunertaralugu Inuussutissarsiornermut, Suliffe-  
qarnermut, Niuernermit Nunanullu Allanut Naalakkersuisup siunersiorneqarnissaa Naalak-  
kersuisut ull. 10. marts 2016-imi akissutaata tiguneqareernerani ataatsimiititaliamit kissaati-  
gineqarpoq. Siunersuineq pingasunngornermi ulloq 23. marts 2016-imi ingerlanneqarpoq.

Aningaaseriviit ingerlatseqatigiiffimmit pisassaasa Nunatta Karsianit tiguneqarnissaat ataatsi-  
miititaliamit eqqarsarnartoqartinneqarlunilu tunuarsimaarfigineqarpoq. Taarsigassarsisitsi-  
nermut 20 mio. kr.-inik toqqaannartumik annaasaqaateqaataaratarsinnaasumut Namminer-  
sorlutik Oqartussat akuussappata ataatsimiititaliamit sulii isumakulunnartinneqarpoq. Siuner-  
siuinissamut ataatsimiititaliap apeqqutaanut Naalakkersuisut akissutaat ataatsimiititaliap  
qinnuteqaammut isummerfiginninneranut allannortitsinngilaq. Ataatsimiititaliaq isumaqar-  
poq ajornartorsiut allatut aaqinneqartariaqartoq. Tassunga atatillugu Naalakkersuisut inger-  
latseqatigiiffimmut periusissatut ilanngussaanni aaqqiissutissaq taaneqartoq ataatsimiiti-  
tialiamit aammaarluni innersuussutigineqassaaq:

”1.1 Kalaallit Nunaata Ammeriviata kalaallit aningaaseriviini kassekredit-ia pigiin-  
narneqassaaq, kiffartuussinermullu isumaqatigiissut 0,8 mio. kr.-nik aningaasar-  
talimmik ilassuserneqassaaq. Tamatuma assigaa kassekredit-ip nunatta karsianut

nuunneqameratigut aningaasanik tigoriaannarnik peqarnerup pitsanngoriaa-  
tigitassaralua.”

20 mio. kr.-inik aningaasaliissuteqaqqinnermi annaasaqaataasinnaasunut sanilliullugu Nunatta Karsiata 0,8 mio. kr.-inik ilassutitut aningaasaliissuteqarnissaa ataatsimiititaliap tungaanit isigalugu pitsaaneruvoq.

Tiguisinnaatitaanermik tunniussinissaq aqutissaanngitsoq ataatsimiititaliaq isumaqarpoq. Pisumi matumani pisunilu assingusuni Naalakkersuisut ilassutitut aningaasaliissuteqar-  
toqarnissaanik qinnuteqarnissaat ataatsimiititaliamit orniginartinneqarneruvoq. Siuliani  
allassimasut naapertorlugit Naalakkersuisut ilassutitut aningaasaliissuteqarnissamut qinnute-  
qaammik nassiussissappata akuersaartumik pissuseqarfingineqarnissaa ataatsimiititaliamit  
piareersimaffigineqassaaq.


Periusissamik ingerlatseqatigiiffiup siumut saatinneqarnissaanut pilersaarummut tunngavi-  
usussamik suliaqartoqarsimanera ataatsimiititaliamit tusaatissatut tiguneqarpoq. Isorliuneru-  
suni nunaqarfinnilu isertitaqarnissamut periarfissaqarnissaanik Naalakkersuisut kissaate-  
qarnerannik aningaasanut inatsimmi aalajangersakkat eqqaassanngikkaanni periusissiaq  
Namminersorlutik Oqartussat piginnittutut ingerlatseqatigiiffimmut qanorpiaq pilersaarute-  
qarnerannik imaqartoq ataatsimiititaliamit ujartorneqarpoq.

Periusissatut pilersaarut ataatsimiititaliamut decemberip qaammataani saqqummiunneqartoq  
attanneqarsinnaanissaa Naalakkersuisunit naatsorsuutigineqarnerisooq imaluunniit Great  
Greenland pillugu periusissatut pilersaarummi naleqqussaanerit allat aningaasalersorne-  
qarnissaannut ilassutitut aningaasaliissuteqarnissamik qinnuteqaatinik allanik nassiussi-  
nissamik Naalakkersuisut maannangaaq naatsorsuutiginninersut paasissutissiissutigine-  
qassasoq ataatsimiititaliamit kissaatigineqarpoq.

### **Aningaasaqarnermut Akileraartarnermullu Ataatsimiititaliap aalajangiinera**

Siuliani allassimasutut oqaaseqaateqarluni Naalakkersuisut inassuteqaataat Aningaasa-  
qarnermut Akileraartarnermullu Ataatsimiititaliamit **akuerineqarsinnaanngilaq.**

Ataatsimiititaliaq sinnerlugu



Jens Immanuelson

Aningaasaqarnermut Akileraartarnermullu Ataatsimiititaliap Siulittaasua